

Na osnovu člana 28. i 34. Okvirnog zakona o visokom obrazovanju („Službeni glasnik BiH“, broj:59/07 i 59/09), a u skladu sa članom 103. Zakona o visokom obrazovanju („Službene novine Kantona Sarajevo“, broj: 33/17), članom 29. i 31. Zakona o naučnoistraživačkoj djelatnosti („Službene novine Kantona Sarajevo“, broj: 26/16), te u skladu sa Ugovorom o sufinansiranju zapošljavanja asistenata i stručnih saradnika na Univerzitetu u Sarajevu po programu „150+“ broj: 04/1-34-01-150+/18 zaključenim 04. 05. 2018. godine između Službe za zapošljavanje Kantona Sarajevo i Univerziteta u Sarajevu, Saglasnosti Senata Univerziteta u Sarajevu, broj: 01-603/18 od 29.05.2018. godine, Odluke Senata Univerziteta u Sarajevu broj: 01-983/18 od 18. 07. 2018. godine, te Odlukom Vijeća Fakulteta političkih nauka broj:02-1-701-1/18 Univerziteta u Sarajevu o imenovanu je Komisije za izbor u naučnonastavno zvanje asistenta od 24.09.2018. godine u sastavu:

Prof. dr. Suad Kurtóehajić, predsjednik,

Prof. dr. Šaćir Filandra, član,

Doc. dr. Ehlimana Spahić, član.



Na Konkurs, objavljen u dnevnom listu *Dnevni avazu* 03. 09. 2018. godine i na web stranici Univerziteta u Sarajevu i na web stranici Fakulteta političkih nauka Univerziteta u Sarajevu, a koji se odnosi na izbor asistenta za naučnu oblast „Politiologije“ (u nastavku Konkurs), a na osnovu Potvrde sekretara broj. 02-1-663-1 od 19. 09. 2018. godine i koja je sastavni dio ovog Izvještaja, pravovremeno su se prijavila dvije kandidatkinje Anđelija Maja i Beširović Berina.

Nakon uvida u konkursnu dokumentaciju kandidata koji ispunjavaju formalne uvjete za izbor, komisija u navedenom sastavu podnosi Vijeću Fakulteta političkih nauka sljedeći

I Z V J E Š T A J

Andelija Maja

Kandidatkinja Anđelija Maja priložila je svu Konkursom traženu dokumentaciju. Maja Anđelija je rođena 31. 07. 1990. godine u Zenici. U junu 2012. godine na Fakultetu političkih nauka Univerziteta u Sarajevu stekla je iz politologije akademsko zvanje bachelor političkih nauka dok je zvanja magistra politologije, usmjerenje Međunarodni odnosi i diplomatija na istom fakultetu stekla 2014. godine.

Prosječna ocjena koju je kandidatkinja ostvarila na prvom ciklusu studija u okviru postignutih 183 ECTS je 8,50.

Prosječna ocjena koju je kandidatkinja ostvarila na drugom ciklusu studija u okviru postignutih 123 ECTS je 9,79.

Kumulativna prosječna ocjena (koju je kandidatkinja ostvarila na prvom i drugom ciklusu studija u okviru postignutih 306 ECTS bodova) je **8,98.**

Bavila se volonterskim i profesionalnim radom u agencijama za zapošljavanje.

Kandidatkinja odlično vlada engleskim jezikom (B2). Posjeduje sljedeće računarske kompetencije: Microsoft Word, Microsoft Excel, Microsoft Power Point/Korištenje društvenih mreža i internet alata za promociju.

U priloženoj biografiji kandidatkinja je navela učešće na sljedećim seminarima i konferencijama:

- Svjetskom forumu demokratije u Starzburu, Francuskoj, gdje je održan petodnevni seminar pod temom „Povezivanje u demokratiji: povezivanje građana i demokratije u digitalnom dobu“
- Seminar održanom na Fakultetu političkih nauka u Sarajevu „Šta danas znači biti političarka?“,
- Seminar „Lokalna samouprava“,
- Seminar „Uloga mladih u lokalnoj samoupravi“.

Kandidatkinja je u prijavi dostavila potvrdu broj. 01-17-19/18. od 17.09.2018. godine o prihvatanju rada pod naslovom „Vizija inovativnog poduzetništva“ za objavljivanje u naučno-stručnom časopisu *Poslovni konsultant*.

Beširović Berina

Kandidatkinja Beširović Berina priložila je svu Konkursom traženu dokumentaciju. Berina Beširović rođena je 10.10.1994. godine u Sarajevu. U julu 2016. godine na Fakultetu političkih nauka Univerziteta u Sarajevu stekla je akademsko zvanje bachelor političkih nauka, usmjerenje Međunarodni odnosi i diplomatija dok je zvanja magistra politologije, usmjerenje Međunarodni odnosi i diplomatija na istom fakultetu stekla 2018. godine.

Prosječna ocjena koju je kandidatkinja ostvarila na prvom ciklusu studija u okviru postignutih 180 ECTS je 9,78.

Prosječna ocjena koju je kandidatkinja ostvarila na drugom ciklusu studija u okviru postignutih 120 ECTS je 9,87.

Kumulativna prosječna ocjena (koju je kandidatkinja ostvarila na prvom i drugom ciklusu studija u okviru postignutih 300 ECTS bodova) je 9,80.

Kandidatkinja Berina Beširović je **dobitnica priznanja „Zlatna značka“** Univerziteta u Sarajevu kao najbolja studentica prvog ciklusa studija na Fakultetu političkih nauka, te je u prijavi priložila potvrdu broj 16/16 od 05.11.2016. godine. Također, kandidatkinji prema prosjeku ocjena na II ciklusu 9,87 sljeduje „Zlatna značka“ Univerziteta u Sarajevu i na tom ciklusu.

Bavila se volonterskim i profesionalnim radom, a komisija cijeni da su od posebnog značaja sljedeći angažmani:

- Predsjednica Foruma mladih bošnjačkih intelektualaca Bosne i Hercegovine 2016-trenutno,
- Sekretar Svjetskog bošnjačkog kongresa 2016-trenutno (organizirala i učestvovala u više od 50 konferencija i panel diskusija o raznim temama),
- Koordinatorica omladinske sekcije STBiH Youth za Sarajevo 2012-trenutno.

Kandidatkinja odlično vlada engleskim jezikom (C2), te je stekla dvojezičnu srednjoškolsku i fakultetsku diplomu.

Posjeduje sljedeće računarske kompetencije office paket, Prezi i Adobe (priprema plakata i postera).

Sudjelovala je na više konferencija i seminara:

- "NATO konferencija o važnosti priključenja BiH Atlanskom vijeću" Međugorje, 2018
- Konferencija žena o rodnoj ravnopravnosti na random mjestu" Sarajevo, 2018
- "Bosna i Hercegovina i bosanski narod, Položaj mladih u BiH - 7. konferencija", 2017
- "Zašto naša mladost odlazi?" Sarajevo, 2016
- Komunikacija u kritičnim situacijama" (dvodnevni seminar), 2016
- "Međunarodna konferencija o Srebrenici 1995-2015" Sarajevo, 2015
- "Cenzura u novinarstvu" - Istanbul Univerzitet Bilgi u Istanbulu, Turska, 2013
- "Znanje - jedina prava vrijednost" Dvodnevni seminar, 2012
- Trosedmični seminar u Norveškoj, (2012): "Kako biti dobri novinari?"; "Zašto je aktivizam mladih važan?" i "Kako raditi u timu koji ima pripadnike različitih pozadina?"

Kandidatkinja je u prijavi navela i dostavila knjigu i dva naučna rada:

- Beširović, Berina (2018). "Uloga institucije Visokog predstavnika u implementaciji Dejtonskog mirovnog sporazuma : (1995-2006)" / - Sarajevo: autor, 2018.
- Beširović, Berina (2017). "Ujedinjene nacije su pale na ispitu Srebrenice 1995. godine", predstavljen na Međunarodnoj konferenciji, a objavljen u Pregledu – Časopisu za društvena pitanja; god. LVIII, br. 3. str. 227-235.
- Beširović, Berina (2017). "Perspektiva mladih u Bosni i Hercegovini: mlade snage kao podrška integracijama" objavljen u Godišnjaku BZK Preporodu. str. 324-330.

Kandidatkinja je dostavila još jedan rad (Beširović, Berina "Sporazum Cvetković-Maček i njegove reperkusije na dogovor između Miloševića i Tuđmana u Karadževiću") uz napomenu da rad biti objavljen u Godišnjaku 2018. BZK Preporod, ali nije dostavila potvrdu.

ZAKLJUČAK S PRIJEDLOGOM KOMISIJE

Na osnovu uvida u dokumentaciju svih kandidata koji su se prijavili na Konkurs Komisija konstatira da su se za izbor u zvanje saradnika u zvanju asistenta za naučnu oblast „Politologija“ prijavile ukupno dvije kandidatkinje i to: Anđelija Maja i Beširović Berina.

Navedene kandidatkinje su završile oba ciklusa studija iz oblasti politologije i ispunjavaju sve uslove predviđene Konkursom.

U nastavku su predočeni zaključci na osnovu kriterija iz Konkursa:

- Broj ETCS kredita minimalno 300

Kandidatkinja Anđelija Maja je na oba ciklusa studija ostvarila 306 ECTS kredita, dok je kandidatkinja Beširović Berina na oba ciklusa ostvarila 300 ECTS kredita. *Komisija zaključuje da su obje kandidatkinje ispunile prvi uvjete konkursa (broj ostvarenih ECTS kredita).*

- Najniža prosječna ocjena 8

Prema drugom kriteriju prosječna ocjena na oba ciklusa studija, kandidatkinje imaju veću prosječnu ocjenu od minimalne ocjene 8. Međutim, kandidatkinja Berina Beširović ima veću prosječnu ocjenu 9,80 u odnosu na kandidatkinju Maju Anđeliju koja ima prosječnu ocjenu 8,98. *Stoga, Komisija smatra da je prema ovom kriteriju kandidatkinja Berina Beširović ostvarila bolji uspjeh u odnosu na drugu kandidatkinju.*

- Dobitnici priznanja Univerziteta u Sarajevu (zlatna i srebrna značka, povelja Univerziteta)

Uvidom u dostavljenu dokumentaciju komisija konstatira da kandidatkinja Maja Anđelija nije dostavila potvrde kojima dokazuje posjedovanje pomenutih priznanja.

S druge strane, kandidatkinja Berina Beširović je u prijavi dostavila potvrdu (broj. 16/16 od 05.11.2016) da je dobitnica priznanja “Zlatna značka“ Univerziteta u Sarajevu kao najbolja studentica prvog ciklusa studija na Fakultetu političkih nauka. Kandidatkinja Berina Beširović je **dobitnica priznanja “Zlatna značka“** Univerziteta u Sarajevu kao najbolja studentica prvog ciklusa studija na Fakultetu političkih nauka, te je u prijavi priložila potvrdu broj 16/16 od 05.11.2016. godine. S obzirom na ostvareni prosjek 9,87 na Master studiju kandidatkinji Berini Beširović sljeduje i zlatna značka na ovom ciklusu studija. *Komisija zaključuje da je kandidatkinja Berina Beširović prema ovom kriteriju ostvarila bolji uspjeh u odnosu na drugu kandidatkinju.*

- Dokazi o iskaznim naučnoistraživačkim sposobnostima i uspjesima

Kandidatkinje su dostavile dokaze o iskaznim naučnoistraživačkim sposobnostima i uspjesima.

Kandidatkinja Maja Anđelija dostavila je potvrdu br. 01-17-19/18 od 17.09.2018. godine kojom dokazuje prihvaćanje rada pod naslovom “Vizija inovativnog poduzetništva“ za objavljivanje u časopisu Poslovni konsultanti.

Kandidatkinja Berina Beširović je u elektronskoj formi (CD) dostavila objavljenu knjigu *Uloga institucije Visokog predstavnika u implementaciji Dejtonskog mirovnog sporazuma: (1995-2006)*” kao i dva članka *”Ujedinjene nacije su pale na ispitu Srebrenice 1995. godine”, predstavljen na Međunarodnoj konferenciji, a objavljen u Pregledu – Časopisu za društvena pitanja; god. LVIII, br. 3. str. 227-235.* i *”Perspektiva mladih u Bosni i Hercegovini: mlade snage kao podrška integracijama” objavljen u Godišnjaku BZK Preporodu. str. 324-330.* Kandidatkinja je dostavila još jedan rad (Beširović, Berina *”Sporazum Cvetković-Maček i njegove reperkusije na dogovor između Miloševića i Tuđmana u Karadorđevu”*) uz napomenu da rad biti objavljen u Godišnjaku 2018. BZK Preporod, ali nije dostavila potvrdu, iz tog razloga Komisija nije uzela ovaj rad u razmatranje.

Komisija na osnovu navedenih činjenica zaključuje da je kandidatkinja Berina Beširović prema ovom kriteriju ostvarila bolji uspjeh u odnosu na drugu kandidatkinju.

Temeljem navedenih činjenica, a uzimajući u obzir kriterije navedene u konkursu, Komisija je ocijenila da je kandidatkinja Berina Beširović ostvarila bolji uspjeh u odnosu na drugu kandidatkinju Maju Anđeliju.

Dakle, kandidatkinja Berina Beširović ima veću prosječnu ocjenu, dobitnica je priznanja Univerziteta u Sarajevu i ima objavljenu knjigu i dva rada. Cijeneći navedene uspjehe Komisija je uvjeren da će izborom kandidatkinje Berine Beširović Fakultet političkih nauka Univerziteta u Sarajevu dobiti vrijednu i adekvatnu suradnicu.


Na osnovu svega navedenog, Komisija predlaže Vijeću Fakulteta političkih nauka Univerziteta u Sarajevu da podrži ovaj Izvještaj, te da Berinu Beširović izabere u zvanje asistenta za naučnu oblast Politologije.

Članovi Komisije:


Prof. dr. Suad Kurtćehajić, predsjednik,



Prof. dr. Šaćir Filandra, član,



Doc. dr. Ehlimana Spahić, član.



Sarajevo, 25. 09. 2018.

